

PREPORUKE KOD EKSTREMNO NISKIH TEMPERATURA I JAKOG VJETRA

Jaku zimu i snježne padavine ne možemo spriječiti, ali pravilnim i pravovremenim postupanjem možemo spriječiti ili bitno umanjiti njihove posljedice.

Postupci u slučajevima jakih zima-ekstremno niskih temperatura:

- Pratiti radio i TV obavještenja o trenutnim vremenskim uslovima i potrebnim informacijama.
- Nabaviti dovoljne količine ogrijeva i namirnica.
- U prostorijama koje se ne griju, neposredno pred nastanak zime, ispustiti vodu iz vodovodnih cijevi, spremnika ili bojlera, te iz sistema centralnog grijanja koji nije u funkciji i tamo gdje je to predviđeno i moguće (WC školjke, sifone), potrebno je uliti nesmrzavajuću tečnost (permant).
- Što manje boraviti na otvorenom ili u negrijanom zatvorenom prostoru (posebno hronični bolesnici, djeca, trudnice i starije osobe).
- Prije izlaska na otvoreno, obući dovoljno toplu odjeću i obuću, sa naglaskom na zaštitu glave, gornjih i donjih ekstremiteta (šake i stopala).
- Kao vlasnik ili korisnik stambenog ili poslovnog prostora dužni ste redovno i pravovremeno održavati, čistim od snijega i poledice, pločnike ispred, puteve koji vode do vašeg objekta.
- Ako led ne možete očistiti s pločnika, onda je potrebno zaleđenu površinu posipati adekvatnim materijalom za otapanje (sol, pepeo itd.).
- Snijeg ili led koji prijeti pasti s krova vašeg objekta dužni ste ukloniti (sami ili angažiranjem stručnih službi). **Pažnja!** Čišćenje snijega s krova je opasan posao te je bolje da za to angažirate stručnu službu!
- Ako je moguće, otesite snijeg sa voćaka, ukrasnog drveća i grmlja, TV antena, izoliranih telefonskih ili električnih kablova i sličnog, kako biste spriječili njihovo oštećivanje i lom.
- Pažnja!** Ne čistite neizolirane električne vodove kao ni ostala strujna tijela i aparate – smrtna opasnost!!!
- Izbjegavajte bespotrebna kretanja, posebno ispod krovova objekata ili ispod drveća,
- Ukoliko izlazite, koristite obuću sa hrapavim donom kako bi se smanjila opasnost od klizanja i pada na poledici ili snijegu.
- Detaljno očistite snijeg i led sa svog motornog vozila prije uključivanja u saobraćaj, uz obavezno korištenje zimske opreme na vozilu.
- Ukoliko ste zbog obilnih snježnih padavina i neočišćenih puteva ostali izolovani, a u hitnoj ste situaciji, (slučaj potrebe ljekarske ili veterinarske pomoći, bolničkog liječenja) nazovite broj 121 s kojeg će se koordinirati pružanje potrebne pomoći.

Preporuke građanima u slučaju olujnog nevremena:

- Pri projektovanju i gradnji objekta voditi računa o mogućem učinku najjačih zabilježenih vjetrova u tom području;
- Nabaviti u rezervi jače najlonske folije ili cerade, letve, eksere za privremenu sanaciju oštećenja;
- Ukoliko uz objekat raste trulo ili ukorijenjeno stablo, odmah ga uklonite;
- Očistite krovne oluke, dvorišne slivnike i internu kanalizaciju kako biste osigurali neometano oticanje oborinskih voda u slučaju oluje;
- Pratite informacije objavljene u medijima;
- Zatvoriti sve prozore i vrata;
- Odmaknuti se od prozorskih stakala;
- Ukoliko smatrate da vaš objekat ne može izdržati nalet olujnog nevremena, sklonite se u podrum ili u neki objekat koji je siguran;
- Po prestanku opasnosti pregledajte objekat;
- Kao pješak, krećite se u pognutom stavu, uz zavjetrinu i pridržavajte se za čvrste predmete;
- Vozilo sklonite u čvrsti objekat, a ako nije moguće, parkirajte ga na otvorenom prostoru.